

vertendum est, in laudato canone, non vetari esum sanguinis expressio interdicto, sed commendari hætenus receptam, ut diximus, consuetudinem. Ita etiam explicanda sunt, quæ ex *Cyrilli Hierosolymitani Catech. IV.* annotantur. *Scribunt Apostoli & Seniores omnibus gentibus communem catholicam Epistolam, ut in primis idolotrytis abstineant, deinde & sanguine atque suffocato. Nam hominum multi feri & immanes, moreque canino viventes, sanguinem lambunt agrestium & ferocium belluarum inter suffocata devorant abunde. Tu autem servus Christi cum sis, comedens, reverentia modestiaque adhibita comede. Si tamen hæc accuratius ponderemus, libertati Christianorum defensæ hætenus testimonium potius præbebunt, quam ut eidem adversentur. Nil enim loquitur Cyrillus de necessitate ex mandato Apostolorum; sed commendat illorum curam, ad illamque modestiam Christianam vult collinari. Culpato enim more gentium bestiali in lambendo sanguine, in genere loquitur, quomodo comedendum sit adhibita modestia & reverentia quicquid apponatur, licet ob receptam consuetudinem fortassis non adeo aperte sustineat loqui. Chrysostomi expositio Homil. XXXIII, in Legem Apostolicam integre ita habet: Nihil oneris amplius imponendum vobis. Hæc dicunt, quoniam ad infirmos homines sermo erat, & qui timuerant. Idcirco & hoc adjectum est. Caterum ostendit, non esse sermonem ad gratificandum compositum, neque ad parcendum illis, quasi infirmis, sed contrarium. Magnus enim & Doctorum pudor fuisset, superfluumque fuisset onus. Vide brevem epistolam nihil abundans habere, neque epicheremata, neque syllogismos, sed imperium erat aut legislatio Spiritus. Distingvendum quam maxime vult Chrysostomus in Epistola Apostolica onus, quod vocatur, a necessariis, quæ consuluntur. Onus erat postulata a Judæis Antiochenis circumcisio, & cum hac præstatio Legis totius Moisaicæ. De hac differit Chrysostomus, non de necessariis ex consilio. Igitur Judæorum respectu non erat sermo compositus ad gratificandum, quod conjunctum fuisset cum pudore Doctorum superfluum onus imponentium; Et hæc legisla-*

legisla-